

ათონის მთაზე რიგით მესამე ქართული სავანე გაიხსნა



2023 წლის 28 აგვისტოს ღვისმშობლის მიძინების დღესასწაულზე ათონის წმინდა მთაზე კიდევ ერთი ქართული სავანე გაიხსნა, რომელიც წმინდა ათანასე დიდის ლავრას ექვემდებარება და იურისდიქციით მსოფლიო საპატრიარქოს ეკუთვნის.

აღნიშნული სავანე ქართველი ათონელი მონაზონ ილარიონის ინიციატივითა და უშუალო ძალისხმევით დაასრდა და აშენდა. ფინანსური დახმარება ქართველმა მორწმუნეებმა გაუწიეს. მთავარი ტაძარი საქართველოს ეკლესიის ეპიკოპოსმა ნიკორწმინდელმა ვახტანგმა აკურთხა. ღამისთევის მსახურება ქართულ და ბერძნულ ენაზე აღესრულა, სადაც მოწვეული ათონელი მონაზვნები და ათონიიდან აკადემიის მოსწავლეები გალობდნენ. საზეიმო ღამისთევის მსახურებას ასევე ათონის მთის ხილანდარის მონასტრის წინამძღვარი არქიმანდრიტი მეთოდეც დაესწრო.

აღსანიშნავია, ის ფაქტიც რომ აღნიშნული ქართული სავანე რიგით მესამეა, რომელიც დღეს ათონის მთაზე არსებობს. სამივე სავანე მსოფლიო საპატრიარქოს იურისდიქციაშია.

პირველი ქართული სავანე სიმონოპეტრას მონასტერს ეკუთვნის და მისი

დამაარსებელი რუის-ურბნისის ეპარქიის სასულიერო პირი, არქიმანდრიტი გრიგოლია, რომელიც გამოირჩევა მისი სულიერი მოღვაწეობით ათონის მთაზე. სავანეში ოფიციალურად ორი წევრი ირიცხება.

მეორე სავანე ვატოპედის მონასტერს ეკუთვნის და მისი დამაარსებელი ვატოპედის მონასტრის წინამძღვარი, არქიმანდრიტი ეფრემია. აღნიშნული სავანის წინამძღვარი მონაზონი სერაპიონია.

მესამე სავანე დღეს გაიხსნა, რომლის წინამძღვარი და დამაარსებელი მონაზონი ილარიონია. აღნიშნული სავანე ათონის დიდ ლავრას ეკუთვნის, ხოლო წინამძღვარი მონაზონი ილარიონია. ახალი ქართული სავანე ღვთისმშობლის მიძინების სახელობისაა, სადაც ოფიციალურად ორი წევრი ირიცხება.

[დასავლეთ ევროპის ეპარქია](#)